

A súa obra "In-ventos" recupera e reflexiona sobre a temática amorosa

O certame Espiral Maior descobre ao poeta ferrolán Xoán Xosé García

N. V. • Ferrol

As enormes dificultades que os poetas galegos teñen para dar a coñecer a súa obra alivianse en certo mo-

do coa existencia dos premios literarios. Este é o caso do ferrolán Xoán Xosé García López, un creador que poderá ver en breve publicada a súa obra gracias a ser o gañador da XI

edición do prestixioso premio de poesía Espiral Maior. A obra "In-ventos", unha posta ao día do tema do amor, mereceu a unanimidade do xurado.

O pasado mes de decembro un xurado composto por Xavier Rodríguez Baixeiras, Álvarez Cáccamo e Miguel Anxo Fernán-Vello outorgaron a García López o Espiral Maior. O ferrolán manifesta o seu "agradecemento" e o seu "compromiso pola calidade poética do traballo ao que un premio como este obriga".


Para este licenciado en Xeografía e Historia, que dá clases nunha academia da cidade, gañar o certame significa darse a coñecer e publicar por vez primeira. "Curiosamente isto coincide con outro galardón, o Rosalía de Castro en Cornellá, Barcelona. Ali o poemario "Eido de luz e olvido", obtivo o primeiro premio".

Foi, sen embargo, este Espiral Maior quen está dando a coñecer ao poeta ferrolán gracias a "In-ventos". "É unha reflexión sobre as imaxes do amor, como algo ideal ou como algo excesivamente real. ¿Que buscamos na persoa

amada? Ese intento, gozoso, leva ás veces a unha frustración. A reflexión está feita tanto desde un punto de vista masculino e feminino e emprego a metáfora do vento para salientar a loita entre a fugacidade e a permenencia do sentimento", resume Xoán Xosé a propósito da súa obra.

Do futuro, o novo autor ferrolán asegura, sen presa, que ten ideas na cabeza "que se desenvolverán co tempo", e manifesta compartir un interese común con diversos compañeiros de xeración "que falan de temas humanos, da vida". Entre eles, Xoán cita a Emma Couceiro, María Lado, Carlos Negro, os irmáns Villar e María do Cebreiro.

O autor ferrolán sostén que estamos ante "un panorama creativo elevado. Só falta fornecer o aspecto editorial, un maior interese por parte dos medios de comunicación e unha normalización cultural que sería necesaria para o futuro".



García publicará na primavera o seu primeiro e galardonado libro

"Ferrol en tempo de Historia", adica o seu novo número ás excavacións en Santa Comba

Redacción • Ferrol

"Ferrol en tempo de Historia", a colección da Concellería de Cultura adicada a rescatar o pasado do Concello, adica o seu número 18 aos traballos das excavacións arqueolóxicas en Santa Comba (Covas).

O volume será presentado este venres ás oito da tarde no Centro Torrente Ballester.

Presentación en Fene do libro "A normalización lingüística a debate"

Redacción • Ferrol

A Biblioteca Municipal de Fene, na Casa da Cultura, acolle ás oito desta tarde a presentación do libro "A normalización Lingüística a debate". O acto contará coa presenza da técnica do Concello de Ferrol, Beatriz Bascoy, así como de dous dos seus catro autores, Socorro García Conde e Xaime Subiela.

Por outra banda, mañá ás oito inaugúrase en Fene a mostra de debuxos "Humor cru" sobre o Prestige, que admite a participación de quen o desexe.

Emirirá durante el año los trabajos seleccionados Localia trata de descubrir a los jóvenes creadores de cortometrajes

Redacción • Ferrol

Localia Televisión convoca un concurso de cortometrajes realizados en película o en cualquier formato de vídeo profesional o semiprofesional. Las obras preseleccionadas serán emitidas una noche cada mes que esta cadena de emisoras dedicará a los cortometrajes.

Los finalistas podrán optar a premios en metálico, película virgen y becas, para el mejor cortometraje, mejor director, mejor guión y los integrantes de los ocho mejores equipos de rodaje.

Temática libre

El primer premio es de 9.000 euros y 4.000 metros de película; 4.500 euros se llevará el mejor director, y 3.000, el mejor guión. Asimismo, cinco integrantes de los equipos galardonados con estos tres premios podrán optar a becas para las emisoras de Localia de su ciudad.

La temática de los cortos será libre, y su duración alcan-



Rodaje de "Coruña imposible", trabajo del ferrolano Paco Rañal

zará doce minutos como máximo. El plazo de presentación de los trabajos estará abierto durante todo el pre-

sente año. Las bases del certamen pueden recogerse en la sede de cualquiera de las emisoras de Localia.

Pontedeume acoge la exposición fotográfica "Imaxes Maiores"

Redacción • Ferrol

El alcalde eumés, Belarmino Freire, y el subdirector de la Obra Social de Caixa Galicia inauguran a las ocho de esta tarde en el Concello de Pontedeume la exposición fotográfica "Imaxes maiores". Se trata de una muestra

comisariada por el ferrolano Vari Caramés en la que se incluyen unas 40 imágenes de la vejez, desde un punto de vista activo y útil, de siete jóvenes fotógrafos. La muestra estará abierta en el Concello eumés hasta el 31 de enero, en horario matinal de nueve a dos, y de cuatro a nueve.

Daniel Salgado recolle o sábado o II Premio de poesía Uxío Novoneyra

Redacción • Ferrol

O Premio de Poesía "Uxío Novoneyra" das Pontes entregará o próximo sábado 18 o galardón ao gañador da súa segunda edición, o lucense Daniel Salgado, pola obra "Sucede".

O acto terá lugar ás seis da tarde na Casa Dopeso e contará coa participación da compañía Teatro do Atlántico. Esta coñecida agrupación interpretará "Ecos dun tempo e dun país", con María Barcala e Xulio La-

go, na que recitarán obras poéticas dos máis importantes creadores galegos contemporáneos. O espectáculo tamén está acompañado de música coa cantante Pilocho.

Esta edición do "Uxío Novoneyra", certame bienal, deuse a coñecer o pasado 28 de febreiro, e a decisión de premiar a obra de Daniel Salgado correu a cargo dun xurado composto polo anterior gañador do certame, Vázquez Pintor, e os poetas Rafa Villar e Marica Docampo.